



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Modum deinde præscribit utendi Pallio, ut iret obviam ambitioni
Virgilij, ne is Pallio illo ceu quodam indumento quotidiano uteretur. Habuit
posterioribus temporibus hoc privilegium Hincmarus ...

urn:nbn:de:hbz:466:1-15617

*S. Gregor. lib. 4.
epist. 53.*

ibid. epist. 52.

Childebertum: *Vnde & grataanter ea que scripsisti accepimus, & que voluitis animo libenti concessimus; atque ideo fratri nostro Virgilio Arelatenensis civitatis Episcopo vices nostras juxta antiquum morem & excellentie vestre desiderium Deo favente commisimus; cui etiam & Pallij usum, sicut prisa habuit consuetudo, concessimus.* Item in epistola ad Episcopos in regno Childeberti constitutos: *Opportunum esse perspiciimus in Ecclesiis quo sub regno precellentissimi filii Childeberti Regis sunt secundum antiquam consuetudinem fratri nostro Virgilio Arelateni Episcopo vices nostras tribuere.*

III. Iam antea multoties observavimus neccesariam fuisse promulgationem hujus privilegij, ne quis le juris ignorantia tueri posset. Ea de causa Gregorius, præter epistles ad Virgilium & ad Childebertum scriptas, alias dedit ad Episcopos qui sub regno Childeberti erant, ob necessitatem publicandæ legis, ut diximus. Eodem tempore ad illos scripsit de potestate quæ Virgilio competebat tanquam Vicario sedis apostolicae, in judicis nimirum episcopalibus, congregatio Conciliorum generalium, majorum causarum relatione ad sedem apostolicam, de literis formatis ab illo accipiendis. Sed hoc postremum caput præcipue urget, respiciens haud dubiè ad rescripta Zozimi, Symmachi, & Vigilij. Ait enim: *Hoc etiam vos pariter previdimus admonendos, ut nullus vestrum ad longinquiora loca sine prefati fratribus & coëpiscopi nostri Virgiliy auctoritate tentet aliquo modo profici; scientes quia & predecessorum nostrorum, qui vices suas ejus predecessoribus commiserunt, sic procul dubio mandata definiunt.*

IV. Redeamus nunc ad Virgilium. Ad illum itaque scribens Gregorius de variis disciplinae capitibus, flectit rursum ad concessionem Pallij & vicium suarum: *Itaque fraternitati vestre vices nostras in Ecclesiis quo sub regno sunt precellentissimi filii nostri Childeberti juxta antiquum morem Deo auctore committimus. singulis siquidem Metropolitanis secundum priscam consuetudinem proprio honore servato. Hic locus non est leviter prætereundus. Etenim Gregorius sic vices suas juxta antiquum morem committit Virgilio, ut tamen singulis Metropolitanis secundum priscam consuetudinem jura sua servari velit. Quod à Pontificibus Romanis observatum fuisse vetustis temporibus, cùm vices suas cuiquam tribuerent, observat alibi ex Hincmaro illustrissimus Archiepiscopus. Videndum ergo quid fibi velit hoc loco Gregorius. Neque enim hinc colligi potest nihil auctoritatis ab eo tribui Virgilio supra Metropolitanos, cùm constet illum accepisse potestatem super omnes*

*Marcus in lib. de
Primariis. S. 51.*

Episcopos in regno Childeberti constitutos. Intelligit ergo Gregorius, sic usum auctoritate ista extraordinaria Virgilium, ut tamem Metropolitanis relinquat ordinaciones Episcoporum secundum veterem morem. Sed hic mos explicandus est ex epistola sancti Leonis ad Anastasium Thessalonensem; ex qua colligitur servandas quidem esse Metropolitanis ordinaciones comprovincialium Episcoporum, sed eas celebrari non posse extra conscientiam Vicarij, ut suprà adnotavimus.

V. Transit deinde Gregorius ad concessionem Pallij, modum præscribens utendi. *Pallium quoque transmisimus, inquit, quo fraternitas tua intra Ecclesiam ad sola Missarum solemnia utatur. Timebat fortassis ne Virgilius, ut humanum est ambitione labi, Pallio seu quodam quotidiano indumento uteretur ad fastum & ad ostentandam auctoritatem suam. Hic Gregorij metus se prodere videatur in initio illius epistolæ, in qua sic legitur: Abstine aut transitoria potestatis culmen aut exterioris cultus ornamentum in vicibus nostris ac Pallio quæsse te suspicere. Habit posterioribus seculis hoc privilegium Hincmarus Rhemensis Archiepiscopus, ut ei liceret, si veller, ut quotidiane Pallio; ut refert Flooardus. Sed ipse in epistola xxxvi. ad Nicolaum Papam scribit eo privilegio usum non fuisse, quod ad aliud illum oportaret tendere & de aliis cogitare quam alicui pompe ac ostentationi applaudere. Privilegia porrò sibi concessa à Summis Pontificibus ea de causa petuisse, ut hæ novitate carnales & animales homines, apud quos veteres constitutiones jam quasi pro vili habebantur, ut ipse ait, territi, reverentius se erga Remensem Ecclesiam haberent. Hæc sunt ejus verba ex ejus epistola ad Nicolaum Papam: Privilegia autem sedis apostolice non ideo peti ut mihi non sufficeret quod sacri canones & decreta sedis Romanae Pontificum quinque metropoli concedant. Et nonnullis interjectis, ait se privilegia illa petuisse, ut quia veteres constitutiones jam quasi pro vili apud quosdam habentur, his novis decretis carnales & animales homines territi quiddam reverentius contra Ecclesiam indignitati mea commissam ageant.*

VI. Illud postremò annotandum est in epistola Gregorij ad Virgilium, quod cum superiores Pontifices caularum judicia indefinitely commisissent Episcopis Arelatenibus, cum competenter numero collegarum, iste numerum Episcoporum judicum, haud dubiè quo minor esse non possit, decernit esse duodecim. *Si qua vero inquisitio de fide, inquit, vel fortasse aliarum rerum inter Episcopos causis emerserit, que discerni difficultas possit, collectis duodecim Episcopis ventiletur atque de-*